

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

deli 得力集团有限公司  
浙字02260122号 No.6230



善
436
4613
云南省图书馆







石渠詩稿

鳳池類省基類禪後雅  
卷一之三  
甲



301702







161793





10101





















石淙詩稿卷之一

鳳池類

送撲菴先生省墓歸湖南為舉人時作

南國垂髻上 帝京一經何幸有師承  
春風立遍庭前草 夜雪吹殘帳裏燈  
仙路幾年瞻閬苑 故園三月夢巴陵  
明時畫錦人都羨 欲賦陽春恐未能

登岳陽樓為進士時作

樓頭仙子坐當窓 樓外風帆擁去艘  
今古勝遊誰第一 乾坤偉觀此無雙  
山形南去連衡嶽 湖水西來接大江  
極目風光清不了 題詩安得筆如杠



門生北地李夢陽評點





半林為濮用明賦 以下俱中書時作

泮宮燈火傍山村未論他鄉與故園坐有雲林心自遠門  
多桃李道長尊清時可是成真隱薄宦聊同避俗諠慚媿  
近來塵土甚為君詩思欲孤騫

慶成宴和韻

禮成郊祀宴千官又奉 龍顏只尺歡春醉仙桃天向午  
日臨豐草露初乾承 恩愧有涓埃報食祿還思稼穡難  
此樂會須均四海願言同報寸心丹 涯翁曰諸和章用露  
乾者頗多此句當獨  
勝耳

逸老堂為謝寶慶賦

一從韋布到金緋籍籍才名滿 帝畿晚節自應存直道



一從韋布到金緋籍籍才名滿  
帝畿晚節自應存直道

急流寧肯蹈危機憂民䟽寢心仍在  
逸老堂開願不違  
羸得高風激鄉俗  
台南山色與巍巍

送進士韓孔儀令寧晉

衣冠鄉里嘆參辰  
執手河梁益愴神  
一榜登名纔四傑  
兩年為縣已三人  
平生激切憂民念  
多病勤勞報主身  
匹馬春風抵數日  
即看清譽滿朝紳

送胡文博令武進

墨綬銅章拜命行  
風流文采照人清  
極知今日郎官選  
不忝當時進士名  
芳草綠波千里別  
孤燈夜雨十年情  
江南亦是并州地  
得告還來訪舊盟

患眼有懷柳拱之



病目淹淹又閱旬思君心渴已生塵十年舊學同窓誼兩  
世通家異姓親只尺門墻成契闊尋常談笑見情真交遊  
京國應無數屈指知音有幾人

憂旱

宵旰勤倦仰

聖明小臣兢惕夢先驚郊原五月還憂旱烽火三邊未息  
兵獻納可能裨衮職燮調須遣慰蒼生十年鳳沼追趨地  
不盡沾恩報主情

雪後寫懷

雪後幽懷鬱未開坐聞車馬踏晴埃官間却恨詩逋在身  
律還愁目青來痛飲幸無陶令癖懶朝休作杜陵猜故人



健還愁目青來痛飲幸無陶令癖懶朝休作杜陵猜故人

只隔長安路談笑誰能數往回夢陽日細潤

西湖

重向西湖續舊遊望中山色與雲浮平橋隔水雙溪合古  
寺連空萬木稠醉後納涼時枕石興來尋句或臨流幽棲  
彷彿江南地祇欠漁翁一葉舟

傅曰川席上飲碧筒一首

深夜燈前試碧筒琉璃光映醉顏紅已無詩句酬坡老漫  
有風流憶鄭公綠柄半彎從曲折芳心一脉自流通若為  
倒瀉空中露吸取清香入座中

西山雜詠四首

十里長堤一掌平野田溪草正縱橫青山遠映秋雲薄紅



樹踈含夕照明細  
荇牽風浮不定  
落花隨水去無聲  
幽人合是忘機者  
傳語沙鷗莫浪驚

夕陽紅樹遠平丘  
極目乾坤萬里秋  
自是閒官堪適興  
不須吾土亦消憂  
幽崖礙日懸青蔓  
高閣憑虛瞰碧流  
只尺洞門無路入  
野雲孤鶴為誰留

曲巷深深隔市諠  
幽棲疑是武陵源  
清池白石多臨寺  
翠竹黃花半繞村  
對景有題渾漫興  
逢人欲語更忘言  
重來記取經行地  
應向蒼苔認屐痕

浴鷺何心戀碧渦  
閒鷗隨意立青莎  
山林自信乾坤別  
塵土真憐歲月多  
捲幔落霞飛島嶼  
出門新月掛松蘿  
留連却恐詩成癖  
不用烹茶遣睡魔



却恐詩成癖不用烹茶遣睡魔

送林黃門使暹羅

百年文軌萬方同地盡暹羅古未通封建屢崇  
昭代禮揄揚兼仗使臣功天連島嶼蠻煙靜日射滄溟瘴  
雨空聞道越裳王化在幾多重譯頌聲中

齋宿偶成呈東署諸僚友

直廬天近彩雲深圭影初移日未陰兩地齋居還只尺  
十年人事幾升沉金蘭漫憶同心話山水兼聞太古音明  
日慶成誰獻頌極知才薄玷詞林

陸鼎儀先生陞諭德分韻得篇字

翰苑宮僚上界仙一時登簡屬才賢士林山斗唐韓愈國  
史文章漢馬遷青殿講餘勞賜問紫宸朝罷聽傳宣不



須再上千秋錄請誦函風七月篇夢陽曰結句佳愛之教無所不用其情

和韻答夏提學正夫

西江詩學重王通萬折狂瀾此障東白壁重來還舊價太  
音三歎有遺風官曹地接星堂近道誼交憐洛社同塵俗  
向來空老大獨將心事羨冥鴻

送馮朋玉還南京刑部

宦海相逢欲別難一尊東郭強留歡南都地接丹宵近西  
署風生白晝寒未必致君終法律須知弼教是刑官鷗鵬  
合有飛騰志長向天衢望羽翰

沈提學仲律夜話邃菴和韻二首

虛堂五月汗初沾坐愛槐陰散午簷客到祗憑花送酒日



虛堂五月汗初沾坐愛槐陰散午簷客到祗憑花送酒日

長時有燕通簾極知症心骨因詩瘦况復清才與操兼豪興  
不隨車騎遠幾宵風日為君添

雨過苔堦屐欲沾感時搔首立風簷唐宮獨擁青綾被漢  
閣誰開翠羽簾萬古乾坤吾道在百年憂樂此心兼高歌  
入夜渾無寐石鼎清泉取次添

挽羅仲祥母孺人

落日悲風動北堂一翁雙涕向諸郎夢陽如畫口空聞捧檄如  
毛義無復齊眉見孟光人世果符炊日夢門生應廢蓼莪  
章一坏埋玉成千古夜月啼烏幾斷腸

挽羅仲祥父松軒處士

曾讀新碑仰舊模蒼松百尺與同孤江山有恨風流盡天



地無情歲月徂仲舉獨高徐孺子曼卿終感范堯夫佳城  
鬱鬱牛眠地風雨年年長綠蕪

和韻贈陳白沙

九重溫詔慰閒情 聖代優賢禮未輕吾道不隨身共隱  
此心真與月同明十年舊夢青山在一夜離愁白髮生我  
有塵襟何處濯耻將名姓托冠纓

和白沙留別韻

紛紛車馬走紅塵扶植綱常見此人不以新恩妨舊隱  
須知孝子是忠臣生年未老看仍健世路多岐認已真江上  
黃花秋正好清風隨處滿衣巾

送徐美中還吳



送徐美中還吳

每從清翰見風神不愧南州有後人  
捧檄毛郎真為母拂衣張翰正思  
蓴也知城市豪華夢不博江湖自在  
身從此黃塵初脫屣清泉白石是比  
隣

正月七日郊壇供事有述

平明翠輦出行宮

天子郊禋祀禮崇瑞應八春剛見雪  
輕寒向晚不生風憂民早已頌宸翰  
抗疏無勞補聖躬淺薄逢時叨侍從  
惟將歌頌祝年豐

挽喬職方廷儀二首

二十年前及第來省郎三轉尚遲徊  
抵應宦路多由命不道天公亦妬才  
將相故知元有種雲霄誰遣獨無媒  
太行



西下鄉關是草木逢秋亦自衰

相逢京國幾相知長記、天門待漏時纔以姓名通一話  
便將文字托諸兒十年事偶皆前定兩地神交似有期無  
限哀情君識否臨棺當日有騷辭

夢陽曰兩高並見小事足傳

### 瞻壠圖

十畝佳城在郭東乾坤遺恨此難窮斷雲落日蒼茫外春  
雨秋霜慘澹中往事誰能回逝水苦心吾亦念良工幾回  
客邸披圖處松栢蕭蕭起暮風

### 賀朱都憲 召掌院事

早從鄉里望風標節制西南萬里遙裴度破淮終相國希  
文平夏始還朝先聲直遣豺狼避正氣曾令瘴癘消總道



文平夏始還朝先聲直遣豺狼避正氣曾令瘴癘消總道

重臣闕社稷似聞商鼎待公調

哭同年張太僕鳴岐

間病歸來夢屢驚哀音未報淚先傾十年仕隱多離合一  
夜悲歡隔死生舊日浮言今已定向來遺恨幾時平亦知  
人世渾如寄不盡交游骨肉情

送林待用謫姚州

涯翁批云送謫官詩慷慨激烈讀之可想見其人矣夢陽

高氣格堂堂

朝廷養士自

高皇風節稜稜此激昂抗疏載聞唐陸贄移書終媿宋歐  
陽孤忠自保青天在直道看回白日光我亦低頭拜東野  
遲徊無計挽行裝

夢陽口情語



別意逢秋思不禁西風黃葉望中深一封竟作投荒計萬  
死難忘戀 闕心猶有圖書隨舊橐也宜山水助高吟生  
還事業君須記况復霜華未上簪

佛骨章存事已陳每從青史憶風神八千里外重遭謫六  
百年來更有人邈矣山川隨別駕蕭然行李識孤臣都將  
一片憂民意散作南荒有脚春

把酒相看意有餘仰天欲語更躊躇不堪別路情懷惡悔  
却前時會晤踈炎海病軀須藥裹瘴鄉風土好樓居停雲  
定有懷人賦消息猶煩慰遠書

送張兼素謫師宗

涯翁批云此四首尤勝鋒穎如此豈獨當於文字場中避路耶夢陽

曰四篇誠如涯翁所評

乞申玉氣古今字幾日寸章又見君未午場成留壘沈寶冬



乾坤正氣古今存。幾日封章又見君。未許陽城留陸贄，終  
教玉質餞希文。風波道路誰相憶，冰蘖聲華衆所聞。莫向  
黃花歎遲暮，生還有待策高勲。

宦游蹤跡半江湖，直以風波作坦途。一代勲名方自許，百  
年綱紀正須扶。襟懷老去真君子，風采居然大丈夫。我亦  
有官稱獻納，仰看高論似君無。

杏園曾是看花人，回首風塵定幾春。歷盡悲歡年未老，閱  
來夷險路方真。乾坤俯仰丹心在，湖海交游白髮新。如此  
別離良不惡，幾人青眼送征輪。

一曲驪歌酒漫傾，憐君何事復南行。身為逐客還多病，志  
在匡時豈近名。故國關山無限路，異鄉風雨若為情。也知



物論終難屈莫把文辭作楚聲

送履菴蕭文明還鎮寧

南北睽違歲屢更匆匆相見復長行身因許國成孤立髮  
為憂民變幾莖未解袂時先入夢欲忘言處獨含情向來  
公議今須定聞說

君王錄姓名

瘦馬衝寒萬里行鄉心安敢緩王程天依北斗瞻仍近地  
入南荒夢屢驚聊以文章供歲月耻將溫飽負平生湘江  
回首經過路應笑前人弔屈平

慷慨憂時意未伸一官非是愛閒身邊州不隔還朝路  
聖主方思補衮臣到處乾坤皆逆旅此生江海畧知津鎮



聖主方思補衮臣到處乾坤皆逆旅此生江海畧知津鎮

寧亦是要荒地慣識中原有鳳麟

雪後顛風釀曉寒一尊東郭且留歡人情自與流年別世  
事還如行路難唐介豈應淹別駕陽城終不忝言官投荒  
合是孤臣分肉食紛紛恐未安

楊叅政所藏山水圖歌

高堂豪素不盈尺何人更得丹青理病眼摩挲看欲花水  
光山色參差是叢榛集篠翳岩阿白石蒼苔雜汀汜由來  
此地可行樂超然肥遯者誰子空亭落落不見人亭下苔  
痕餘屐齒想當月白風清時四顧蒼茫任願指仰看飛鳥  
豁心性俯瞰溪流洗塵耳一尊長嘯歌聲雄傲睨乾坤如脫  
屣南陽草廬諸葛亭幽興蕭然差可比盛時才俊多彙征



烟霞高卧何時起古來達士各有存功名豈必俱青史吾  
宗大叅風流客平生酷愛佳山水宦遊南北幾歲年貌得  
滄州心獨喜吾亦因君感舊遊天涯踪跡還泥滓青鞋布  
襪猶未能廊廟江湖徒爾耳一官閒散未脫俗酒債詩逋  
日填委空齋對此懷抱開置身如在寰瀛裏忽聞車馬戒  
行色吏人索畫門常倚物各有主當歸君為作長歌謝知  
已他時對畫應我思兩地江山萬餘里

南坡別墅

涯翁曰七言古詩此篇獨佳

南坡近在城南曲南坡主人清似玉結茅作屋幾歲年有  
琴在牀書在屋東家桑柘西家禾蹇驢破帽時相過公租  
私負兩無累俯仰乾坤如樂何十年塵土長安道欲歸不



私負兩無累俯仰乾坤如樂何十年塵土長安道欲歸不

歸心慄慄人生難得老來閒身退還應健時好鑑湖恩詔  
恨不早匡山舊盟終潦倒爭似南坡歸及時綠鬢朱顏未  
枯槁門前載酒紛如雲惆悵舊遊今幾存手種青松盡成  
蓋移來慈竹多生孫登高眺遠恣歡謔水邊行吟松下酌  
多少低頭拜下風利網名韉甘束縛白雲渺渺山蒼蒼高  
風不媿嚴陵鄉撫卷披圖三歎息為君擊節歌滄浪

送邵汝學之楚雄

夢陽曰此作慷慨

西南開府壯封疆重鎮猶傳古石桑誰遣冠裳逢

聖代似聞形勝甲滇陽卧龍慣作三時雨鳴鳳低迴百仞  
崗地入隆冬還見草人言垂老未逢霜行商不斷川兼陸  
沃野長饒稻與梁路藉松毛迎使客卜憑鷄骨驗災祥懷



柔正切周王念撫字今煩漢署郎遠道英風隨畫軸青春  
文采照金章已知人物歸陶冶况有山川屬主張皂蓋專  
城非不貴丹心憂國恐難忘一方民力聞全縮數載天  
時屢告荒拋盡赤田虛作貢貧餘白屋重扶傷朝廷保  
障須深計官府侵漁合過防共擬聲名先絕域獨憐休戚  
是同鄉雄文早遂韓公鱈遺愛終歌召伯棠不盡交游瞻  
望意臨岐還為解干將

送倪侍讀歸省分韻得邑字

尚書謝塵鞮不受軒冕繫之子睠庭闈夙夜心鬱悒封章  
扣大闈雨露殊厭浥十年兩歸寧此例非沿襲節序屆  
新正祖帳衣冠集柔風播喁和春雷起潛蟄南望金陵山



新正祖帳衣冠集柔風播呬吻和春雷起潛繫南望金陵山

孤帆渺何急遙知畫錦榮  
簪組共輝熠登堂上親壽兄弟  
具且翕閭巷騰歡聲海宇况寧輯  
尚書老其間樂事古稀及何用訪  
赤松引年求絕粒結髮讀古書忠  
孝固所執遠大為君圖勲名須早立  
經幃藉啓沃史館資剛拾往共毋  
淹留我將候都邑

著軒

近名固可耻無聞亦虛生善積名以隨  
赫然播英聲譬如玉在山草木競敷榮  
又如珠在淵風雲發光晶物理有如此  
愚者徒營營斯人克自樹敦茂性夙成  
俛焉飭厥躬所志非沽名持謙乃受益  
欲悔顧愈明良賈歲若虛鴻鐘扣斯  
鳴請看尚綱詩毋忘謹獨情



蔡進士介夫乃祖挽詩四首

棠棣久絕響同氣或乖睽競彼刀錐利而使天倫隳骨肉  
且有然路人何足悲翁生罹多難門戶強自持弱弟病且  
革平生多遺資諄諄屬續間所憂在稚兒呼兄屬後事淚  
下如綆縻死者不復還生者長相隨遺言猶在耳安忍棄  
置之卧起恒與俱寒溫必適宜年齒寢以長悉還故所遺  
豈徼身後名所志敦民彛彤管為爾書百世聲不虧

末俗競豪奢被服繡與文黃金買戲劇歲月供一嘔盈滿  
苟不戒終焉委泥塵位何與君子儒所志惟儉勤絲竹豈不  
住有耳如不聞非無位訶羅色耻為兒女人况當清明時擊  
壤歌堯仁幸無漆室一憂寧甘環堵貧藏書數千卷亦足陶



壤歌堯仁幸無漆室一憂寧甘環堵貧藏書數千卷亦足陶

吾神九原嗟已矣永懷葛天民

落日有返照逝水或一回波嗟彼泉下人千年闕巖阿青雲  
有賢孫及時奮高科祿養嗟無及命也將柰何古來賢達  
士淪謝亦已多屈伸理之常胡為此哀歌煌煌金石詞昭  
示永不磨

權門方炙手奔走皆豪雄汗漫侈歌頌低回荷帡幪一朝  
隨物化溘焉如飄風翁生不出戶全德以令終里人不巷  
歌鄉黨為輟春大篇續蒿里寤寐懷高蹤舊史書彥方宿  
儒推林宗公道炳朝暉愚者紛如夢俯仰隔今昔惆悵涕  
無從

和楊鏡川學士先生遊南園詩韻

鏡川云佳作佳作  
當與西涯爭衡夢



陽日此篇果勝它作鏡川知詩矣

官屋僅旋馬致客真無謀諸公不我棄枉駕同郊遊韓家  
好庭宇石徑通林丘輕風散炎溽白露淒以秋泉脉濯畦  
潤槐陰當屋稠地僻境逾靜身閒心更幽蹇芳步南渚觀  
稼來東疇高情不在酒而况饌與羞詞林有鉅筆古調難  
為酬豈徒慰孤陋亦足消煩憂顰眉擬相效出吻還自籌  
惟餘江山與歲歲無窮休

太公釣圖

萬古乾坤一老翁生涯都付釣竿中誰知東海逃名意翻  
作西周盖世功

紅梅扇面

冰心無柰玉容寒聊向東風點渥丹北地只今多具眼未



紅梅扇面

冰心無柰玉容寒  
聊向東風點渥丹  
北地只今多具眼  
未應便作杏花看

竹西書屋

萬竹參差路不分  
草堂風景隔塵氛  
他年有約東鄰卜  
半為先生半此君

梨

快果初傳漢谷名  
纍纍今見一枝榮  
君王自有金莖露  
不用含消亦解醒

畫松壽韓老先生

誰寫長松薦廣廷  
墨光高射老人星  
仙郎若問長生事  
要見松脂化茯苓



子昂詩畫

青山深處有衡門  
淺水平沙半帶村  
畫裏風神詩裏興  
誤疑蹤跡是王孫

鷺

芳沼漣漪映綠莎  
悠悠生意眼前多  
可憐妙絕山陰筆  
手寫黃庭祇換鷺

鴈

萬里龍沙雪滿丘  
塞鴻豈解作書郵  
上林一語中郎返  
制虜誰云不用謀

折枝花

風味居然自一家  
不隨紅紫鬪豪華  
仙郎本是看花眼  
曾

看人間未見花



風味居然自一家不隨紅紫鬪豪華仙郎本是看花眼曾

看人間未見花

筍

一夜春雷出地時東園驚起籜龍兒詩腸恠得清如許慣  
謁當年玉版師

白鷗

秋盡長江白鳥飛平沙淺草故依依海翁底事勞相狎不  
獨忘機已見機

紫菊

小摘幽花帶露看花名不忝動騷壇屈平零落陶潛死誰  
復同心保歲寒



石淙詩稿卷之二

Faint vertical text columns, likely bleed-through from the reverse side of the page.



石淙詩稿卷之二

十四



石淙詩稿卷之二

門生北地李夢陽評點

省墓類

補送平江伯漕運還鎮

恭襄遺愛是前規  
風采居然復見之  
相國轉輸終佐命  
士安漕運更憂時

朝廷貢賦今全盛  
民力東南恐不支  
宵旰有懷君識否  
萬年元氣仗扶持

漕舟千萬往來輕  
節制雄才仗老成  
坐遣漢兵皆虎旅  
直教周甸重金城  
春山齊魯長隨眺  
秋水江淮或讓清  
總道故家門閥在  
先公勲德是西平



玉仗森嚴祭戟排幾年開府障江淮載歌唐雅功何忝一  
識荆州願已諧風雨入秋長怨別廟堂回首正闕懷如公  
豈合求閒散黑髮勲名尚未涯

陳孝子

親庭湯藥正闕情一念皇皇晝夜并病可療時寧避死股  
曾封處豈沽名高風動地青山在吾道中天白日明莫向  
鄴人譏絕行後來流俗轉須驚

夜泊夾溝驛時九月八日

高樹蒼蒼帶暝烟佳期剛在菊花前荒城夜泊時聞角淺  
水秋來不受船別恨祇憑詩當酒歸心真以日為年京江  
西上黔南路萬里雲山若箇邊



西上黔南路萬里雲山若箇邊

東揚水部

問說豪家避李膺盛時公道正堪憑也知惡石能攻玉自  
喜危途未折肱老去丹心渾似舊秋來高興更須增漕河  
千里賢勞在擬逐芳塵恨未能

送平江伯改南京中府

風塵道路已多時南甸山川斲解願根本地應歸簡命  
老成人合在留司分符歲久家如水憂國心勞鬢有絲  
不獨笑談能却敵姓名元自繫安危

旄節重臨舊將門秋毫須識是君恩陰晴此日終難定  
寵辱於人莫更論冰蘖不妨清譽在河山還與誓書存公  
才久繫淵衷念祗恐南都席未溫



送宿遷朱大尹

朱先任教官

停舟小憇夕陽邊人道鍾吾是宿遷官有逢迎稱劇縣民  
多流徙憶凶年平沙白草連秋水破屋荒村帶野煙北望  
君門萬餘里綏懷全仗使君賢

纔辭芹泮即花封兩地間忙此道同書簿不妨新宦業絃  
歌元是舊家風極知撫字須勞念未必江山解惱公今日  
內臺多縣令如君風采合乘驄

席上呈戴憲長廷珩

一曲離歌此駐驂十年猶記舊時談冰霜地望中兼外旆  
李門墻北又南山雨着人衣半濕江風吹面酒初酣情  
莫更留詩別已覺詩成思不堪

夜泊釣臺二首



莫更留詩別已覺詩成思不堪

夜泊釣臺二首

釣臺百尺俯江灘生不求榮死亦安  
道客星干帝座誰知漢鼎仗漁竿  
烟霞絕壁清風在香火空山白晝寒  
再拜匆匆還仰止詩成回首一凭欄

杖屨飄然出帝居故人心事幾躊躇  
一官豈必供言責三聘何須用詔書  
祠廟僅存非後裔山川不朽是芳譽  
雲臺汗馬終黃土始信羊裘計未踈

和友人謫居詩韻

王事勤勞二十年晚將巾屨向林泉  
豈應直道成三黜何必功名定九遷  
靜裏襟懷真漫爾春來花鳥共欣然  
江山賸有棲遲地莫更重吟貝錦篇



與童勉和夜酌偶成錄以贈之都給事中謫興國州同  
江湖萍梗兩悠悠忽漫相逢話舊遊官以諫名終不愧事  
於身外復何求也知出處關清議稍喜山川是近州莫道  
倅車非重寄幾多民瘼待公瘳

瑞昌道中

磴雲百尺繞層空亂篠叢苔一徑通瘦馬不禁山上下斷  
溪常失路西東乍逢野寺驚僧夢小駐荒郊問土風亦有  
壯心能叱馭千金非敢愛微躬陽曰讀詩即如躬歷其

興國道中

十日登程九日晴鄉心羈思一時平鳥聲細逐泉聲緩風  
力寒欺酒力輕馬首青山堪入畫一路旁幽草問無名逢人

若話經遊樂賸有篇章為紀行



力寒欺酒力輕馬首青山堪入書  
路旁幽草問無名逢人

若話經遊樂賸有篇章為紀行

望岳陽

岳陽南望是并州三十年來兩度遊  
同學故人今幾在異鄉孤客此登樓  
高雲絕島連清漢落日層城俯碧流  
誰遣王程戒明發吏情吾已負滄洲

滄洲亦佳  
滌翁日情思佳夢陽日句

江上偶吟

浪花搖曳急流分徙倚船窓日又曛  
萬里江天低度鳥一林春樹半含雲  
帆歸驛渡看看近岸有漁歌歷歷聞  
莫向朱絃揮楚調別情鄉思轉紛紛

澧陽有感

先人遺愛此州多三十年來始一過  
骨肉幾時惟我在江



山不改柰人何三刀未協當年夢五袴猶傳載路歌還向  
故民詢往事不禁清淚欲懸河

夜坐

山樓人靜鼓初聞座上沉檀手自焚夢寐幾宵真念母江  
湖一飯敢忘君壯年懷抱頻看劍遠道風謠欲獻芹  
寂寞荒城春雨後不妨燒燭對餘醺

登岳陽樓

百尺高樓倚碧空乾坤登眺幾人同眼前憂樂誰無意天  
下江山此最雄孤棹影衝烟浦外浩歌身在水雲中東流  
萬里終歸海不盡狂瀾砥柱功

夜泊岳陽城下有述

月色風光此夜兼洞庭春水坐來添十年作宦身如繫一



夜泊岳陽城下有述

月色風光此夜兼  
洞庭春水坐來添  
十年作宦身如繫  
一月色風光此夜兼  
江海波濤驚變化  
乾坤魚鳥自飛潛  
太平關塞無戎馬  
綵筆逢詩次第拈

華容訪劉國紀東山別業

南北萍蹤六載奇  
故人顏采夢中疑  
如何遠客尋幽地  
剗及東君駐馬時  
別去定應懸一榻  
相逢還為解雙頰  
東山合有蒼生念  
况復勲名鬢未絲

夢陽曰自負自知

登科猶記少年時  
不道才名與數奇  
歲月幾多憐躑躅  
江山如此恠棲遲  
官非薦士空知爾  
志在憂人欲扣誰  
珍重賈生長治策  
萬年留取對軒墀

夢陽曰相業素具二句見

與國紀同過王翁家被留午餉詩以道意



天上歸來路幾千故鄉風物尚依然蒼茫忽醒三生夢  
邂逅真成一飯緣到處浮萍皆逆旅幾家喬木重當年  
匆匆不盡筵前話又聽離歌落照邊

挽王都指揮英

楚招聲斷益淒其遠客重來感故知江上壯懷無祖楫  
山頭遺愛有羊碑方城漢水分符地拖玉腰金報主時  
精爽在天應不死太平勲業見佳兒

和陳憲副韻

一日羈愁破客邊詩成不待酒為權人生傾蓋有如此  
仕路逢君非偶然遠塞清風停埃火高城斜日帶炊烟  
極知倡和多佳興恨不追隨十載前

夢陽曰讀此句富庶可想

聞柳拱之擢四川憲副喜而有作



倡和多佳興恨不追隨十載前

夢陽曰讀此句富庶可想

聞柳拱之擢四川憲副喜而有作

別來心事動參商聞領遷 恩出 帝鄉清白舊風歸仲  
郢激揚新命屬蘇章福星正接瞻雲路春酒看登戲綵堂  
公義私情知兩遂為君歌罷喜如狂

青韁兩世西川路猶記寧親幾度行且向絃歌尋舊俗似  
聞豺虎避先聲江湖一札寒暄少燈火通宵感慨生從此  
萍蹤定何處祇將金石見交情

東鄒侍御

聞君體力未全平可是憂時百感生病骨比山應更瘦詩  
懷於水合同清相逢不盡揮毫興餞別兼勞載酒情莫為  
瓜期聊假借盛名從古戒垂成



新興道中遇鄉友金調元得西涯先生所寄書喜而

有作

愁懷無限此祛除好語傳來十日餘謝元日前聞萬里忽逢

青眼客千金兼領玉堂書南荒中屢猶塵土北地寒暄僅

起居總為交情同骨肉向來離思幾躊躇夢陽曰詩本性

普定衛蕭文明席上口占

同出燕山別向吳詩成猶是隔年逋鳳毛已作明時瑞鵬

翻應憐萬里圖抗疏有才還羨子素餐無補獨慙吾邊州

吏事應全少曾有醫方集驗無

謁咸陽王廟

以下俱在雲南作元平章賽典赤始開雲南文教

香火高城廟貌崇邦人相對泣遺忠漢廷才望金車騎唐

代勲庸渾侍中地盡關山開禹跡人於絃誦識華風車書



香火高城廟貌崇邦人相對泣遺忠漢廷才望金車騎唐

代勲庸渾侍中地盡關山開禹跡以人於絃誦識華風車書  
又屬文明運猶有新碑紀舊功漢陽日以番人詠番人奇

謁黔寧王廟

授劍從龍二紀強生占侯相死稱王孔明威畧終降虜堯  
國屯田坐困羗一代河山還帶礪萬年香火自丞嘗仍雲  
作鎮同封建未數元勲在漢唐夢陽曰冠冕

謁王忠文祠

六龍飛御五雲間遺孽居然敢肆頑元老竟遭希烈死漢  
廷空望子卿還墓墟落落銘猶在廟祀堂堂詔始頒留  
得文章兼節義不知曾汗幾人顏夢陽曰結句激烈

李氏遠趣樓



螿水潺潺不斷流白雲芳草帶斜洲坐來山色無餘地占  
盡風光是此樓村嶺夕陽高樹合石橋新雨落花稠也知  
看竹須乘興不用東君掃榻留

登碧鷄山

蒼山突兀瞰林臯下有洪流捲怒濤異代淫祠嗟漢武重  
來詞客豈王褒蜀川舊榜空留勝滇海諸峯合讓高天亦  
似憐登眺樂更將風日助詩豪

抵家雜述

落日長松掃故阡 聖恩真已到黃泉關山路盡九千里  
水木心懸三十年絮酒幾人勞遠奠穹碑七尺看新鷁可  
憐鬱鬱佳城地吾父遊魂獨渺然

遠客初還似夢中若為悲感動深秉寒暄多是弟兄行進



憐鬱鬱佳城地吾父遊魂獨渺然

遠客初還似夢中若為悲感動深衷  
寒暄多是弟兄行進止總隨鄉黨風  
遠郡有人求識面新詩無地不開筒  
衣冠比屋皆絃誦信是車書萬里同

小堂冠蓋日逢迎叙罷寒溫未識名  
忽漫還鄉翻似客偶然陟屺更關情  
空懷杖屨追前輩豈有儀刑屬後生  
人道謝庭餘慶在眼看蘭玉漸崢嶸

次周時可僉憲見贈詩韻

宦途駁歷已多年正氣猶能掃瘴烟  
聖代炎荒還禮讓太平官府即神仙  
閒將詩賦消公案貧有圖書載使船  
總為愁多頭易白希文心事幾人憐

鎮遠登舟



車馬山行一月強更隨秋水上孤航歸心直與水爭急鄉  
夢杳如山共長飛浪撲窓衣半濕奔流激石槽全妨風波  
歷盡艱虞地猶有先憂意未忘

期柳拱之不至以詩自慰

長擬停雲賦未成一年心事幾懸旌如何鄉里過從地不  
及江湖盼望情交誼恐成沙聚散人心能似月虧盈始知  
剡客多深思不肯中宵見戴生

夢陽曰責之恕之仁人之  
用心

歸途

楚江秋色授衣前萬里歸途一鴈邊已覺中星三度易載  
看明月九回圓身多疾疾應全瘦僕有狂愚轉自憐最是  
旅懷消未得更看波浪滿寒川



旅懷消未得更看波浪滿寒川

漢江阻風

渺渺飛帆入楚雲晚風歸鴈不堪聞  
高江白浪舟難定短燭孤篷夜未分  
如此羈懷真作惡縱然豪飲不成醺  
平明舉目風烟盡倚棹看山到夕曛

涯翁曰此地此景吾所親歷讀之藹然

匡廬道中

潯陽北上匡廬驛樹轉岩迴萬壑幽  
村茗啜來濃似酒肩輿乘處穩於舟  
雲山漠漠江城曉烟水茫茫澤國秋  
孤失平生元有志肯因行役動離愁

江西舟中東馮佩之憲副

簿領勞勞十四年名於公論合超遷  
濁涇清渭何須辨蘖苦冰寒祗自憐  
舊日星堂成落莫秋風雲浦故留連  
無端



又是孤舟別吟對西山意惘然

和韻寄章德懋先生二首

夫子文章一代標鳳麟端合瑞  
中朝直將正學歸闕洛  
若究真才失管簫湖海朱絃聊自語乾坤白髮為誰饒如  
君勇退懸車日曾待山翁折簡招

早從科甲占時名曾有昌言補盛平  
一代文章天下士  
百年憂樂古人情儀刑自合歸山斗  
風采人猶仰鑑衡幾  
日停雲漫相憶新詩翻引百愁生

涯翁曰首聯二句豈公所自况耶

界亭道中

桃園西南鄭家峯孤村迢迢細路通  
界亭百里接新店兩  
驛置在千山中岡巒如拱復如揖  
叢林蒼鬱蒼烟集空翠

拂天雲半樓繁陰匝也  
衣全濕白日參炎情亦昏况是前



驛置在千山中岡巒如拱復如揖叢林蒼鬱蒼烟集空翠

拂天雲半棲繁陰匝地衣全濕白日慘淡晴亦昏况是前途風雨急四十八道溪流長雨深澗壑難禁當山腰水瀉疾於箭一夜平添二尺強摳衣涉水水聲惡亂石截足足且僵坡頭泥深沒雙屐偃面僂偃不敢望上山如天下如井尺地恍若殊一方人言我馬最強健三步一蹶寧無傷古今危險稱蜀道我謂此地真羊腸低回向晚膂力盡高興豈復能飛揚旁人舉手為予賀茲程幸是今晨過不然明日溪水羸欲渡無梁將底作流行坎止故有時雖有巧慧難預知腐儒生世百無補敢謂神明相護持向來夷險不須論聊以慰藉生歡嬉我行雖勞尚溫飽獨可憫惻夫家兒凶年藜藿不克腹官府賑貸無盈資願天及時降晴



雨豐稔不負秋成期康衢擊壤會有頌我亦重和豐年詩

夢陽曰長篇才氣橫壓今古然鋪叙之詞工而形容之妙寡頓挫雖力而開合未至方之古人蓋有間焉

馬底驛

馬底停車日卓午問道辰州渺何許驛吏回言路不遙僕  
夫趨蹌喜欲舞登岡躡阜層復層上下七盤紛可數斷坡  
危砌石纍纍側徑縈紆繞一縷空山薄暮悄無人惟有鋪  
舍棲林莽便欲駐馬須明發破屋猶堪庇風雨鋪司恣顛  
不願留云有爨薪無爨釜遲回只得驅馬行水聲汨汨溪  
之許須臾日黑道路迷進退維谷心無主撐持去郭十餘  
里山城漏下當三鼓始知驛吏欺予哉不念危途敢予侮  
樵源人夫饑且勞喘息不定面如土舉手指斥沅陵人怒

氣居然出忿語二邑迢迢壤相接佚勤體念固其所咫尺



樵源人夫饑且勞喘息不定一面如土舉手指斥沅陵人怒

氣居然出忿語二邑迢迢壤相接佚勤體念固其所咫尺  
不肯將夫迎明汝北來當報汝我聞未敢加譴訶聊以孫  
詞相慰撫今我茲出非公差萬里鄉閩省吾祖謾勞夫馬  
已非分敢以迎送嗔官府長田鋪裏暫息肩有耳如聵目  
如瞽松皮為燭戶為牀山風颼颼撼庭宇饑來不忍夜設  
餐願與卒隸同辛苦忽然驚譟聲如雷疑是姦人與豺虎  
我時倉皇聞謹呼披衣出門寐若無訛言駭衆類如此堅  
卧却慙周亞夫平明出鋪力稍蘇江山過眼還模糊沅陵  
車騎擁且扶縉紳迎候皆吾徒慙歎問到日哺吁嗟乎  
人生踪跡半江湖夷險憂樂皆同途壯哉茲行猶不孤我  
詩事核詞則蕪他日摹寫歸畫圖



盧指揮所藏高房山水圖歌

前朝尚書房山高平生落落人中豪有時妙思入圖畫指  
點物象歸秋毫蒼山高出青雲裏層崖疊嶂參差起天風  
不動玉宇清萬里澄江淨於洗是時野色當黃昏數家烟  
火東西村沙頭弛擔者誰子欲渡不得心如焚人生夷險  
信有數百年豈必俱安步謝老中流意自閒婁公送浪猶  
能泝江湖隨處皆通津濟川誰是商家人不見白頭垂釣  
者生涯都付滄波綸生綃一幅半枯槁夜光明月真奇寶  
盧侯清士乃得之風景因人倍增好嗟予畫癖與君同大  
縑短素多名公半年不見心鬱鬱幾度夢落滄洲中滇南  
無限佳山水圖畫雖工亦徒爾世上誰知鳳與真人生適

意斯已矣高堂坐我青芙蓉一觴一曲仍從容安得麥光



無限佳山水圖畫雖工亦徒爾世上誰知夙與真人生適

意斯已矣高堂坐我青芙蓉一觴一曲仍從容安得麥光  
百尺許日日載筆來相從

風雨歸舟圖

空江落木號天風雨脚墮地雲濛濛浪花千疊大如龍  
眼底恍惚騰蛟龍扁舟一葉山之下萬里飛帆駛於馬平生  
忠信足風波不羨磯頭釣魚者人生適意須還歸急流無  
乃多危機湖天鏡平風雨歇蘭槳桂棹常相依

畫水

何人筆力真如扛解衣盤礴堂中央研丹吮墨試揮掃坐  
驚雲水生微茫滄波奔騰動地吼靈派迤邐連天長長風  
飄搖浪千疊只尺應須萬里強如登崑崙望青海蜃樓鮫



室騰輝光洞庭冥冥不可測日月出沒蛟龍藏黃河之水  
天上下吞吐四瀆傾太行江流浩渺自西極直與中國為  
巨防南人慣見且目眩北客倉卒心彷徨平生樂水固天  
性徒以聲律相鋪張豈若丹青逼真貌移將地軸歸毫芒  
盡工神思乃如此不獨李吳能頡頏恨不前身為博望仙  
槎無路通銀潢中流擊楫亦有意氣吞雲夢非荒唐高歌  
臨風發清嘯仰天四顧增慨慷

題陳憲章墨梅

有客有客風神清骨為片玉姿為冰世間萬物瑣瑣不足  
數直與梅花為弟兄紅塵勞勞恐相失一日不見難為情  
有時模寫向枯筆竒態頃刻烟雲生湖上春寒雪未霽山

頭月落參初橫歛然素壁見踈影便欲起繞南枝行古云



有時模寫向枯筆竒態頃刻烟雲生湖上春寒雪未霽山  
頭月落參初橫歛然素壁見踈影便欲起繞南枝行古云  
意足不在形妙意今與形似并旁人底為無香惜不道香  
多招妬客相逢任詫素與緇會有方臯眼中識

題畫

秋江瑟瑟葭蒂青數行朔鴈歸寒汀黃葉飛殘樹如戟天  
風萬里開虛明乾坤此景信竒絕遙山正對林間亭掃石  
焚香白鶴舞臨流鼓瑟遊魚聽中流有客初揚舲長歌激  
烈凌高冥匏樽五夜載赤壁鐵笛一聲浮洞庭幽尋竒問  
各有志不然肯向洪波經揮毫作圖圖者誰王維孫子筆  
意清由來意足乃佳畫俗夫指點求真形詩成欲借并州  
剪與子對面分滄溟許由秦地空馳逐完壁且須歸趙卿



題沈石田山水贈高鐵溪貳守

涯翁曰變化脫洒夢陽曰長篇之最

嗚呼絕藝多天成  
吮毫妙泄天之精  
胸中倘有萬丘壑  
氣運潑潑隨風生  
古人縑素多漫滅  
零落數紙令人驚  
按圖索駿竟何事  
如舍其骨求其形  
大江東南石田老  
山川風味嘗應飽  
門前索畫如索逋  
墨汁朝朝為人掃  
大窮天地細蟲魚  
信手為之翻大好  
此圖此景知何時  
烟雲不礙山城曉  
坡陀縈複路逶迤  
一峯特立蒼冥表  
山北山南青未了  
處處琪花雜瑤草  
山頭老幹屈鐵回  
山下髯龍何天矯  
山坳靚深堪結廬  
翠竹為帷樹為葆  
青鞋布襪秋復春  
幾送餘霞落飛鳥  
松根老人行復休  
醉歷崎嶇歌窈窕  
足音空谷已難聞  
相逢且試開懷抱  
乾坤安得此區寰  
我欲從

之心慄慄不是匡廬是武夷  
細觀無乃天台道人言此搭



空谷已難聞相逢且試開懷抱乾坤安得此區寰我欲從

之心慄慄不是匡廬是武夷細觀無乃天台道人言此搭

黃犬癡意在筆前非藉橐春替覺見物繭即成或有神功為

施巧

夢陽曰數句中出

世間真屬不可知夜光魚目翻相嗤

好事之流滿天下君看賞鑒者為誰鐵溪道人房山後平

生豪素常在手近時朝士能丹青永嘉三子黃姜柳君

今並起稱四豪俗夫吐舌群工走公餘坐我池竹邊徧檢

瑤笈翻牙籤判評好惡析幽眇如以藻鑑分媼妍酒酣指

點到石田把翫再三真可傳果然名下無虛事屬物紛紛

空賣錢感君意氣服君識願比干將當留別此人比物不

易遭在我在人誰失得珠光合浦浮雲濤豐城劍氣凌碧

霄君莫展向雷風朝只恐精靈化神物騰空一去難為招



水晶宮客

涯翁曰此篇亦佳

吳興山水聞南州茗溪雪溪匯復流蜿蜒一瀉二百里月  
華波影相沉浮中天合有光明燭下見諸山如削玉皎然  
蒼翠浮空明何以狀之曰水晶水晶宮名從此始誰其標  
榜趙承旨居人紛紛竟莫知對景不樂翻如痴名韁利網  
日馳逐却詫夢遊徒爾為汪君此地長為客坐挹空寒清  
興發果然身在廣寒中不似人間波與月歸來偃蹇向深  
山縮地有心還未得手持圖畫日把玩尚覺清冷徹毛髮  
火雲六月驅不開出門紗帽沾黃埃金流石爍無處避水  
晶之宮安在哉東望嵐光渺天目安得與子相徘徊嗚呼  
安得與子相徘徊



安得與子相徘徊

畫梅和文敬韻

十年清夢繞梅花東閣西湖興未涯不用巡簷重索笑畫  
中春色正橫斜

沈啓南寫生

今代風流沈石田乾坤生意與盤旋惟來寸紙成高價不  
出三吳已賣錢

扇面花鳥

茂葉繁花一樣清野禽還此寄平生乾坤滿眼皆春意不  
盡當年畫史情

子昂畫

吳興筆劄世所竒紛紛真贗誰能知由來神物有神護至



今墨色還淋漓

孫痴草蟲

含生盡落玉毫鋒若比真容物物同畫到通神非小技恠  
來驚却紫髯翁

陶淵明小畫

海鶴元來不受羈塵籠初脫似嫌遲柳陰曳杖不歸去想  
是臨流欠一詩

秋江歸鴈圖次高鐵溪韻

長空如洗絳河流遙見驚鴻掠樹頭斗酒早須謀婦飲江  
湖又是一番秋

扇面小畫

山坳剛着一茅亭憑仗孤雲為作扁落葉滿堦秋瑟瑟青



扇面小畫

山坳剛着一茅亭憑仗孤雲為作扃  
落葉滿堦秋瑟瑟青  
燈徹夜誦黃庭

謝推府生菜圖

紛紛梁肉厭侯門明府居然咬菜根  
若使康侯今尚在也  
應擊節向人論

題牡丹

點染春光歲歲新群芳甘分作陪臣  
見根已識非凡種不  
待花開始動人

題蓮

朱華紅膩古來聞國色宮粧幾夕曛  
一自瀟溪題品後縱  
非具眼亦知君



蒲石

靈根元自出仙家白石清泉共歲華  
好是俗塵無處着虎鬚龍骨未須誇

富春道中雜詠

風雨孤舟話乾坤萬古情山形斷仍續  
雲氣晦須明漱石聊成戲磨崖欲識名  
匆匆戒行色不獨重玉程

勝遊兼吊古清思轉冷然潮落帆衝雨  
山深鳥沒烟屐穿無窘步纓濯有新篇  
倚棹須明月漁歌隔暮川

遠嶼迷新漲迴汀帶急流野花疑送客  
江月巧窺舟獨坐成遐想逢人話舊遊  
烟霞何處所吾亦愛尋幽

閩苑家何在桃源事亦陳君看小結屋  
者莫是避秦人歲月

忙中過江山夢裏真蚤湏回馬首遊樂及芳辰



園苑家何在  
桃源事亦陳  
君看結屋者  
莫是過秦人  
歲月

忙中過江山  
夢裏真蚤  
須回馬首遊  
樂及芳辰  
地僻飛埃盡  
天空宿霧收  
水光千丈碧  
山色四時秋  
眼底有餘樂  
人間無此幽  
登臨聊適意  
何必更丹丘

遊安寧法華寺真空菴一名幻堂

重關絕來往  
惟有白雲通  
萬事都歸幻  
浮生本是空  
心閑波自止  
禪定月方中  
亦有淵明興  
留詩謝遠公

雪谷

平生居雪谷  
歲晚益相親  
天下更無白  
山中別有春  
素光看不斷  
空響聽來真  
一榻曾分我  
冷然發興新

送李衢州考滿之京師

君行不可緩  
良吏正徘徊  
西蜀琴三尺  
東齊水一杯  
官曹



誰薦剡物論總憐才不盡攀轅意沙頭首重回

五言排律

送湖廣馮總戎

奕代班周爵青年請漢纓龍沙三箭勇虎帳一裘輕提旅  
叅南帥還師衛上京 廟謨歸懋簡物論仰先聲劍授  
親推轂符分重總兵軍中稱大樹閫外得長城湖海英風  
遠乾坤老氣橫指揮驅獐猱談笑掃撓槍日擁飛龍陣塵  
消細柳營邊書誰奏凱堠火定無驚保彰須材傑懷柔戴  
聖明恩隨春共到操與玉無清多士瞻儀度遐方識姓名  
敢論文武異直遣德威并休戚憐吾土風謠感舊評貪功  
者誰子遺虐在蒼生俯仰嗟如昨瘡痍苦未平相逢煩軫

念為別正關情謾說蟬璫貴看留竹帛榮策勲宜慎始居



者誰子遺虐在蒼生俯仰嗟如昨瘡痍痛苦未平相逢煩軫

念為別正關情謾說蟬璫貴看留竹帛榮策勲宜慎始居  
寵務持盈下榻從傾蓋投桃媿報瓊玳筵歌屢闕彩筆賦  
初成芹獻非無補雞壇况有盟重來是何日回首動心旌

五言古詩

寅菴為蕭憲長作

臣人代天工同寅靡崇庀矧茲蒞邦禁民命寔繫之怠心  
一萌蘖輕重或倒施淫刑召災沴不獨爾職隳賢哉蕭提  
刑一敬每自持誰云法可撓五過將汝疵誰云民可虐  
帝鑒恒在茲忍將一寸心負彼三尺規虞書著青災國法  
有矜疑求生苟弗得服念踰旬時東海民無寃南山判不  
移闕歲寢以多聲問如飈馳公心益惕若歆然恐弗支大



書揭華扁相對如嚴師出門屢却顧退食方凝思內馬勅  
爾心外則慎爾儀萬念協貞吉豈但一職宜有欲稽公行  
請誦寅菴詩





石淙詩稿卷之三

門生北地李夢陽評點

禫後類

此下皆山西提學憂制歸江南服除後應酬之作至赴任陝西途間止

七言律詩

送張文淵謫官鶴慶

文淵在諫垣有風采歷官順天府丞太僕卿謫守鶴慶

雙旌南去路茫茫風采猶能繫廟堂一代諫書唐李絳十

年京兆漢王章只今邊徼無豺虎自古中原有鳳皇傾蓋

未終仍解袂不勝離思滿江鄉夢陽曰此等作非無義理然自是詩家

東于守正

萬里江天陰復晴相逢漫語未分明也知湖海飄零地不  
盡乾坤覆載情事到定時猶夢寐路從難處見平生不須



更問君平卜識破機關百念輕

王丹徒公濟約陪邵東曹文敬於焦山寺席上次

韻

青簾白舫寺門前可是蓬萊別有天對客揮毫真自許當  
場卻敵更誰肩詩書童冠聊乘興賓主東南未乏賢夢陽曰此  
則典不用德星占太史先聲已聽路人傳

丘仲玉席上賞紅梅和韻

年年春色送流芳半倚孤亭半拂墻日暮風煙清不了歲  
寒冰雪飽能嘗垣西有客真同調天下無花可比香乘興  
祇今須徑造不勞佳宴為重張

補送姚祠部懋明懋明金陵人也

司部才華久擅場金法久桑梓合增光也知捧檄還因母誰



祠部才華久擅場金陵桑梓合增光也知捧檄還因母誰  
似為官不出鄉興可適惟山水樂心無憂是簿書忙與君  
預定分曹約兩地間情却未妨

留別王丹徒公濟

說着離歌夢已驚匆匆卮酒賦難成黃金臺下論交地鐵  
甕城邊握手情千里山川隨客去百年肝膽向誰傾丁寧  
陌上甘棠樹蚤聽清風入頌聲

次韻答呂太僕秉之

曾向詞場識大家聯班兼喜近光華忘年直比韓京兆  
知己過於鮑叔牙舊事匆匆談不盡長途渺渺望猶賒新  
恩已愧冠頭豈有先聲解觸邪夢陽曰穩帖不知為  
次韻者牙邪之妙也



徐州雨夜與國紀劉大守宿逍遙堂有作

有意邀賓策馬迎逍遙堂上一燈明聯床話可消風雨異

姓親還比弟兄再與彭城添故事未應蘇老獨才名秋來

不用黃樓在今日黃河水正清

夢陽曰  
堂

赴任途中有述

江左朝天棹未開 璽書還向日邊來并汾舊是多賢

地章句元非用世才不遣緇塵生白壁敢於嘉穀謝汙萊

王言自有權衡在鸞鳳鷹鷂莫浪猜

涯翁批曰學政清  
厲先於此詩見之

路入河東轍未停感 恩圖報益兢兢秋霜未必無春意

三尺何曾廢六經得失在人非水監晨昏隨我是盤銘文

章案牘皆常事願得真儒薦 帝庭

小臺遷翟自中書百十年來見此除照有稱才心自愧食



章案牘皆常事願得真儒薦帝庭

外臺遷擢自中書百十年來見此除照有稱才心自媿食  
今先事計全踈文明合在殷周上聖轍當尋孔孟餘同志  
幾人須奮策吾言雖大却非虛

送日者王約庵

榮枯得失不可問業傳象數真難精百年幾見邵康節兩  
都僅許嚴君平若將富貴等蕉鹿一任塵世成桑瀛寄言  
王生且休矣約庵庵下堪藏名

遊焦山

洞口孤雲面面生百年身世坐來清一般月色金山寺十  
里烟光鐵甕城江閣雨餘秋水闊海門風定暮潮平青山  
潦倒虛名在耻向沙鷗問舊盟

涯翁曰古今焦山詩恐無能過此夢陽曰登臨之



作意興  
便高

次城南送別聯句韻寄儲靜夫諸友

猶記踈燈對榻情  
山陽笛裏更新聲  
秋風白鴈隨空遠  
落日丹楓隔水明  
都下論心剛一月  
江頭回首又三程  
月當夜望光仍滿  
兩地懷人一念并

載酒尋詩漫有情  
揮觴日日聽歌聲  
塵心到此都銷盡  
病眼因君一倍明  
別去幾回勞遠夢  
相逢何地是前程  
祇應道誼交能幾  
話到忘言百感并

雨中王丹徒公濟招遊焦山席上作

無端秋色登臨地  
不盡長江眺望時  
世路渺然空作客  
風光如此可無詩  
及辰為樂人能幾  
冒雨看山興亦奇  
直待



光如此可無詩及履為紳人能幾尺而看山與亦音直待

曉晴凌絕頂徧摩蒼蘚認殘碑涯翁曰起句突兀

### 登焦山

西風殘葉嫩寒初兩日幽尋興不孤心愛竹巖留客坐方窮雲磴遣人扶城頭山色遙連楚樹裏江聲直到吳莫恠居人誇勝地分明此景是蓬壺涯翁曰寫得出便如登焦山矣

### 晚遊焦山次屠大理元勳韻

天將浮玉配金鰲萬古波心物色饒廟有瓣香逢聖代洞存三詔記前朝高雲絕嶺江空闊茂草深林路闕寥乘興不妨昏黑造諸天欲上敢辭遙

### 碧梧沈處士歸葵花城挽詩

秋風扶襯渡寒潮渺渺花城路寂寥客夢漸驚并舍遠歸



不待楚辭招百年治命終教遂一老儀刑故未凋猶有  
顯揚心事在黑頭勲業 聖明朝

南節婦

天平云喪妻身窮一日愁腸幾萬重柰有孤兒難即死豈  
無膏沐為誰容孤燈影伴深閨月殘杼聲催五夜鐘薄俗  
紛紛今見此恠來 天上渥恩濃

哭華伯瞻二首

為兒頭角已崢嶸不待三年羽翼成見說高才多寂寞翻  
憐薄命是聰明九泉可慰惟碑誌後事相看半友生收拾  
遺文休近眼恐驚白首淚縱橫

當年倚馬見操觚薄劣深慚有此徒別久每看人入夢書

來常以父相呼斯文後進堪垂涕鄉里衣冠一重吁斜角



當年倚馬見揮觚薄劣深慚有此徒別久每看人入夢書

來常以父相呼斯文後進堪垂涕鄉里衣冠一重吁斜

寒川空佇立且將詩句當生芻

夢陽曰二詩哀中之哀情中之情百世之下有掩卷

而不忍讀者

### 挽鏡川先生二首

龍蛇入夢歲云徂公去飄然不可呼一代文章韓吏部百

年道術董江都官尊未改山林興病起猶懷社稷圖却

憶漢家麟閣裏如公風采定誰模

極知輔碩由天降誰遣中朝失此翁元老存亡關象緯

相公名字識兒童家無長物鏡湖上國有遺憂金匱中

見說希文諸子在後來門第足清風

### 濟寧登太白樓



苔花深處幾殘碑。人道城陰是古祠。二老儀刑今在眼。百年風日總宜詩。江淮舟楫經行地。齊魯山川眺望時。不待持盃心已醉。敢言痛飲是吾師。

入京會西涯先生感而有作

日日停雲望故人。登堂相見轉傷神。微生不絕應憐我。淚眼交揮總為親。南國山川千里夢。東風花柳幾回新。欲將心事從頭說。莫厭相過倒屣頻。

聞陝西

命下有述二首

夢陽曰此以後作意氣健暢

聞道新恩下。禁闈征車又。逐暖塵飛烟霞實。負山靈約。桃李虛傳物望歸。心憶舊書。渾欲忘眼看。心事恐多違。

秋毫未答

君王賜敢向尊鱸道拂衣

涯翁曰老態新意



秋毫未答

君王賜敢向尊鱸道拂衣

涯翁曰老態新意

關西賢俊多如林斯文責任非所任與木石居凡幾歲從  
大夫後亦何心星斗在天明月午鶯花過眼青春深亦知  
鉛槧無可補虛名愧負霜臺簪

謁西涯先大夫塋墓用謝方石先生舊韻二首

壟樹蕭蕭撼暮風乾坤誰挽逝川東斯文骨肉多憐我前  
輩儀刑總憶公舊事相看渾似夢愁心欲話苦難終極知  
絮酒追攀地慟哭非關阮路窮

茅屋荒郊背北風孤雲常繞屋西東黃泉已矣應難贖白  
髮添來太未公觸處淚痕和雨墮痛餘心事與天終高山  
不共衣冠盡仰止空教目力窮



草塘別意送錢狀元弟與孝歸松江

姜被從容夜正遲西堂春草夢來奇豈知靈運詩成地又是江淹賦別時碧樹江頭多故友玉堂天上有明師才名合遣稱雙鳳同向雲霄振羽儀

金山夜宿和聯句韻是日餞王丹徒公濟

落落長風撼怒潮望中漁火隔江遙詩因惜別難成調興在登山不待招天上浮雲看欲盡水邊殘暑坐來消乘流載酒吾人興赤壁千年更此宵

紅梅為鄭太守賦

綠葉青枝莫謾嘲詩家別自有風標玉顏中酒寒初暈絳雪經春暖未消落日夢回姑射浦軟塵遮斷灞陵橋芳心

不為冰霜改自是

天門雨露饒



不為冰霜改自是 天門雨露饒

永慕堂

空堂黯黯將愁坐無恨心情祇自知  
夜雨滴殘雙淚眼春風拋却一孤兒  
乾坤落落無容地桑海茫茫有變時  
唯是顯揚遺命在偷生甘使世人疑

贈樊廷璧憲長擢應天尹

十年南國三乘驄義氣壁立千仞峯  
堂懸生魚非矯激身騎猛虎還從容  
五陵合避韓京兆百姓能舍包開封  
畫船撾鼓渡江去春陽一夜回窮冬

七言古詩

脩武寄陸克深大叅約河內一會



玉堂少日瞻風神一麾南去春復春已知氣槩抗流俗何  
止文章能潤身當時沮遏者誰子鳳池亟奪良有因明  
廷未乏班馬輩揣分甘與簿書親叙州九載多勞動閭閻  
禮讓風俗淳黃堂坐嘯若無事盤錯到手紛如塵功成進  
佐七州伯褰幃處處宣皇仁行河決嶽總經義以儒飾吏  
斯言真任渠喜事笑迂腐忍貪勞代聽吟呻西州過客問  
民吏共道我侯為吏循因君重感蒼生念四野觸目雙眉  
顰直從揚徐向懷衛白屋蕭條生意屯黃河流徙固天數  
勝天有術湏吾人雖云盛平異卯累亦可先幾憂厝薪公  
才自是濟時具恨不專制當通津杞天漆室本迂誕愚者  
一得公休嗔相違百里阻歡合策馬欲進仍逡巡北風吹

沙天宇暗後庭殘葉聲相聞乃知良會不易得聊以尺素



沙天宇暗後庭殘葉聲相聞乃知良會不易得聊以尺素  
通殷勤交神命駕如有意或者河內逢寇恂

七言絕句

東光舟中留別房進士廷獻

南風將雨到船窓把酒論心擁夜缸忽漫相逢又南北離  
歌欲賦不成腔

題米老拜石

無為軍裏豈無賢誰枉明公禮數度不拜昌言還拜石浪  
將竒事與人傳

紫玉簪

生來玉色被人嗔巧倩朱鉛為奪真一夜幽香過庭院東



南還是舊風神

蒲石

曾聞真宰降天精  
文石相依漫有情  
六月火雲正當午  
高堂一勺清涼生

畫花

三月園亭花正開  
主人游宦不曾回  
醉中看畫依稀是  
也當尋芳一度來

五言律詩

寶應湖

山色帶重湖  
黃昏一棹孤  
顛風吹水立  
細雨入空無  
野曠低飛鳥  
沙寒怯浴鳧  
賣魚夜成市  
欲買欠青蚨

用和索書便面偶作



用和索書便面偶作

同是宦遊人相逢一欠伸  
朱轡新郡守玉斧舊臺臣  
風雨孤燈夜鶯花三月春  
臨岐休更賦離思恐傷神







不在此書未方之三

一























